



J.P. MEĐUNARODNI AERODROM "SARAJEVO" D.O.O.

Kurta Schorka 36, 71210 Sarajevo, Bosna i Hercegovina

Registrovano kod: Općinski sud Sarajevo, MBS 85-01-0419-11; JIB 4200988570001; Carinsko broj 200088970001
RACUN: 3387932265238447, UniCredit banka d.o. Mostar, BiH

Vrsta dok.	Izdavač	RB
DOP	5 01	3116

Strana:
1 od 1

Broj protokola: 05-1-25-1-580-19/24	JAVNO
-------------------------------------	-------

DATUM: 03.07.2024. godine

PRIMALAC: GEOAMETIST d.o.o. Sarajevo
GREENSTYLE SOLUTIONS d.o.o. Sarajevo
GREEN SERVIS d.o.o. Sarajevo

PREDMET: Obavijest o izboru najpovoljnije ponude u postupku nabavke usluge:
– Održavanje vanjskih hortikulturnih površina i cvijeća u objektima Međunarodnog aerodroma Sarajevo

VEZA: Naš broj: 580/24

Poštovani,

na osnovu člana 71. Zakona o javnim nabavkama ("Službeni glasnik BiH", broj 39/14 i 59/22) obavještavamo vas da je, nakon okončane procedure prikupljanja ponuda za nabavku usluge: Održavanje vanjskih hortikulturnih površina i cvijeća u objektima Međunarodnog aerodroma Sarajevo, provedene metodom Konkurentski zahtjev za dostavu ponuda, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo, koja vam se dostavlja u prilogu, kao najpovoljnija ponuda za predmetnu javnu nabavku ocijenjena ponuda ponuđača GEOAMETIST d.o.o. Sarajevo.

S poštovanjem,

DIREKTOR
Alan Bajić

Prilog: Odluka o izboru najpovoljnije ponude;

DOSTAVLJENO:

1. Ponuđačima
2. Upravi Društva
3. Sektoru za administrativnu podršku
- Služba nabavke
4. a/a

DOP-PR 05-00 03 01 Dopis, 1. Izdavanje/Rev 0



	Tel	Fax	E-mail
INFORMACIJE	+387 33/ 289 100	+387 33/ 289 356	info@sarajevo-airport.ba
DIREKCIJA	+387 33/ 289 200	+387 33/ 289 201	direkcija@sarajevo-airport.ba
OPERATIVNI CENTAR	+387 33/ 289 120	+387 33/ 765 841	opc@sarajevo-airport.ba
WEB	www.sarajevo-airport.ba		

Handwritten signature

Handwritten signature



UPRAVA	Strana: 1 od 2
Broj protokola: 05-1-25-1-580-18/24	JAVNO

Datum: 03.07.2024. godine

Na osnovu člana 70., a u vezi sa članom 88. Zakona o javnim nabavkama („Službeni glasnik BiH“, broj 39/14 i 55/22) i člana 48. Statuta J.P. Međunarodni aerodrom "SARAJEVO" d.o.o. Sarajevo, te izvještaja i preporuke Komisije za provođenje postupka javne nabavke usluge: Održavanje vanjskih hortikulturnih površina i cvijeća u objektima Međunarodnog aerodroma Sarajevo, broj: 05-3-25-1-580-17/24 od 01.07.2024. godine, Uprava J.P. Međunarodni aerodrom "SARAJEVO" d.o.o. Sarajevo, na 225. sjednici, održanoj dana 03.07.2024. godine, donosi

ODLUKU

I

Kao najpovoljnija ponuda za nabavku usluge: Održavanje vanjskih hortikulturnih površina i cvijeća u objektima Međunarodnog aerodroma Sarajevo, ocjenjuje se ponuda ponuđača GEOAMETIST d.o.o. Sarajevo, broj: 46-06/24 od 19.06.2024. godine, zavedena na protokol J.P. Međunarodni aerodrom "SARAJEVO" d.o.o. Sarajevo dana 24.06.2024. god., pod brojem: 06-2-25-1-580-7/24, koji je, nakon provedene e-aukcije, ponudio najnižu cijenu za predmetnu nabavku u iznosu od: 24.800,00 KM (slovima: dvadesetihiljadeiosamsto KM), bez PDV-a.

II

Izabrani ponuđač je, u roku od sedam radnih dana od dana prijema Obavijesti i ove Odluke o izboru najpovoljnije ponude, dužan u J.P. Međunarodni aerodrom "SARAJEVO" d.o.o. Sarajevo dostaviti:

- originale ili ovjerene fotokopije dokumentacije iz člana 45. Zakona o javnim nabavkama, u skladu sa dostavljenom Izjavom, ne starije od 90 dana od dana dostavljanja ponude;
- novi originalan, popunjen, potpisan i ovjeren Obrazac za cijenu ponude, sa cijenama usklađenim sa konačnom cijenom iz održane e-aukcije.

III

Po proteku rokova za reviziju, uz prethodnu dostavu dokumentacije iz tačke II, Naručilac će pozvati izabranog ponuđača radi zaključivanja ugovora o nabavci usluge iz tačke I ove Odluke, kojim će se regulisati međusobna prava i obaveze ugovornih strana.

O b r a z l o ž e n j e

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku usluge: Održavanje vanjskih hortikulturnih površina i cvijeća u objektima Međunarodnog aerodroma Sarajevo, direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke, broj: 05-3-25-1-580-4/24 od 12.06.2024. god., a Rješenjem, broj: 05-1-25-1-580-6/24 od 19.06.2024. god., imenovao Komisiju za provođenje postupka.

U skladu sa naprijed navedenom Odlukom, J.P. Međunarodni aerodrom "SARAJEVO" d.o.o. Sarajevo (u daljem tekstu: Društvo) je na portalu javnih nabavki dana 14.06.2024. godine objavilo obavještenje o nabavci, broj: 246-7-2-489-3-148/24. Do ostavljenog roka za predaju ponuda, 26.06.2024. god., do 12,00 sati, na adresu Društva ponuda su dostavila 3 (tri) ponuđača, i to: GEOAMETIST d.o.o. Sarajevo, GREENSTYLE SOLUTIONS d.o.o. Sarajevo i GREEN SERVIS d.o.o. Sarajevo. Na javnom otvaranju ponuda, održanom isti dan u 12,30 sati, bez prisustva predstavnika ponuđača, pročitani su nazivi ponuđača i ponuđene cijene, i to:

- GEOAMETIST d.o.o. Sarajevo: 33.670,00 KM, bez PDV-a,
- GREENSTYLE SOLUTIONS d.o.o. Sarajevo: 34.976,26, bez PDV-a,
- GREEN SERVIS d.o.o. Sarajevo: 34.990,00 KM, bez PDV-a.

Nakon javnog otvaranja ponuda, Komisija se sastala radi detaljne analize ponuda, te je konstatovala sljedeće:

1. Ponuda GEOAMETIST d.o.o. Sarajevo:
Nakon pregleda ove ponude Komisija je utvrdila da je ista formalno-pravno, tehnički i računski ispravna.
2. Ponuda GREENSTYLE SOLUTIONS d.o.o. Sarajevo:
Nakon pregleda ponude ovog ponuđača Komisija je konstatovala nedostatke koje se ogledaju u činjenici da ponuđač nije pripremio ponudu u skladu sa odredbama zahtijevanim tenderskom dokumentacijom i Zakonom o javnim nabavkama. Naime, ponuđač nije popunio sve rubrike izjave o ispunjenosti uslova iz člana 45. Zakona o javnim nabavkama, a što je zahtijevano tačkom 2.1 pod f)

tenderske dokumentacije (*Popunjena, potpisana i ovjerena Izjava o ispunjavanju uslova iz čl. 45 Zakona o javnim nabavkama – ANEKS IV*).

Tačnije, nisu popunjene rubrike u kojima je bilo potrebno navesti tačan naziv i vrstu postupka javne nabavke, broj obavještenja sa Portala javnih nabavki, te broj nabavke iz Službenog glasnika. Osnovna svrha navedenih rubrika je da se identifikuje konkretni postupak nabavke na koji se izjava odnosi, te je nepopunjavanjem istih to bilo nemoguće utvrditi, s obzirom da ni jedna od prethodno navedenih rubrika nije popunjena.

U skladu sa navedenim, a imajući u vidu član 57. stav (1) Zakona o javnim nabavkama, kojim je propisano da je ponuđač dužan pridržavati se svih zahtjeva i uslova iz tenderske dokumentacije, Komisija je ovu ponudu odbacila u skladu sa članom 68. stav (4) tačka i), s obzirom da ne ispunjava sve što je zahtijevano tenderskom dokumentacijom, tj ocijenila je istu kao neprihvatljivu.

3. Ponuda GREEN SERVIS d.o.o. Sarajevo:

Nakon pregleda ove ponude Komisija je utvrdila da je ista formalno-pravno, tehnički i računski ispravna.

Prema ponuđenim cijenama, formirana je Rang lista prihvatljivih ponuda prije provedene e-aukcije, i to kako slijedi:

1. GEOAMETIST d.o.o. Sarajevo: 33.670,00 KM bez PDV-a.
2. GREEN SERVIS d.o.o. Sarajevo: 34.990,00 KM bez PDV-a.

Za predmetnu javnu nabavku bila je predviđena e-aukcija, te je ista zakazana i održana, i to dana 01.07.2024. godine, s početkom u 10:00 sati. Nakon okončane e-aukcije, tokom koje su oba ponuđača snizili cijene svojih ponuda, utvrđene su nove konačne ponuđene cijene, prema kojima je utvrđena i konačna Rang lista, nakon okončane e-aukcije, i to kako slijedi:

1. GEOAMETIST d.o.o. Sarajevo: vrijednost ponude u iznosu od 24.800,00 KM bez PDV-a;
2. GREEN SERVIS d.o.o. Sarajevo: vrijednost ponude u iznosu od 24.999,00 KM bez PDV-a.

S obzirom na naprijed navedeno, Komisija je utvrdila da je najpovoljnija ponuda ponuđača GEOAMETIST d.o.o. Sarajevo, koji je nakon e-aukcije ponudio najnižu cijenu za predmetnu nabavku, te je predložila Upravi Društva da se ugovor za nabavku predmetne usluge, u ponuđenoj vrijednostinakon e-aukcije od 24.800,00 KM, bez PDV-a, dodijeli ovom ponuđaču.

Uprava Društva, na svojoj 225. sjednici, održanoj dana 03.07.2024. godine, je razmotrila predmetni Izvještaj i preporuku Komisije, te je, nakon uvida u vođeni postupak, istu i prihvatila, pa je, na osnovu člana 70. Zakona o javnim nabavkama, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa - Društva, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.



Prilog: Zapisnik o pregledu i ocjeni ponuda;

DOSTAVLJENO:

1. Ponuđačima
2. Upravi Društva (orig.)
3. Sektoru za administrativnu podršku
 - Služba nabavke (orig.);
 - Služba za pravne poslove i protokol;
4. a/a